

Hinc plura Reformatorum divortia Zvinglius in Comment. in h. l. f. 475. quærit in copula, τὸ EST exponendo per significat, adumbrat. Maccovius in Theol. polem. p. 148. convenientius statuit tropum locari in copula, quam Prædicato, & in Loc. comm. Cap. 80. p. 838. inquit: signum est panis & vinum: Res signata est corpus Christi, non quoc. modo consideratum, sed traditum pro nobis in mortem, in. Sanguis Christi non quoc. modo consideratus, sed effusus in Remissionem Peccatorum. Maresius in Syst. brev. Univ. Theol. L. de Sacram. §. 71. p. 295. Copulam EST, per significat, exponit. Idem Bergius. vid. Stereoma Calovij contra Bergium p. 161. it. Wendelinus in Theol. Christ. lib. 1. cap. 23 Th. 8. §. 5. Oecolompadius vero, Calvinus, Beza, & alii recurrunt ad prædicatum *Corpus, Sanguis*, pro illis substituendo τὸ *Figura, Symbolum, Efficacia, signum*, ut sensus sit: Hoc est figura, symbolum &c. Corporis mei. Cl. Wittsius d. l. quo huic sententiæ opitularetur, ad Antiquitatem judaicam cum aliis decurrit, ac phrases Judæorum Paschales evolvit, quod panem paschalem manducando recitarint hæc: **הַלֵּל לַחֵם דְּעֵינֵינוּ** *Hic (est) panis (ille) afflictionis, quem Patres nostri comederunt in Terra Ægypti*, quin iidem Judæi agnum assum vocaverint **אֶשְׁתֵּי פֶסַח** *Corpus Paschatis*, certumque sit eos panem illum non aliter respexisse, quam quod Symbolum esset ac memoriale illius panis, quo olim in Ægypto pasti erant ipsorum Majores; Indeque porro infert Panem S. Cœnæ eadem prorsus ratione nuncupari Corpus Christi, eo quod sit corporis illius Symbolum, non rerum post futuratum, non typicæ liberationis. sed quod sit ipsum τὸ σῶμα Christi, h. e. ipsa rerum jam factarum & solidæ ac æternæ liberationis quasi substantia Col. 2, 14. Alij ad totam Enunciationem tropum hunc referunt. Fort. Crellius l. 2. Log. cap. 23. Keckerm. & alii.

§. 13. At enim, non est discedendum à proprietate verborum, nisi cogat necessitas, & absurditas inde illata; articuli etiam fidei in propria sede secundum proprietatem verborum sunt intelligendi; Differentia quoque Sacramentorum V. & N. T. non admittit, ut utraque confundantur, sed uti priorum est significare, adumbrare, ita horum s. posteriorum est offerre τὸ σῶμα τῆς χριστοῦ Col. 2, 17.; ipsum etiam corpus ac sanguis Christi ita describuntur, ut nunquam pro signo ac Symbolo corporis ac sanguinis Christi haberi queant, v. g. esse